

藥性蒙求

藥性蒙求

上海中醫院藏書
上海古籍書店復印
二冊 定價八元二角

伽楠香溫其氣上升固精開氣辟惡凝神

味辛性欬佩之縮二便固脾保腎入湯劑能閉精固氣。今俗作奇楠來雅作奇南
難出海上諸山伽楠與沉香同類而分陰陽或謂伽楠壯也味辛而氣甜其香勃發而
性能閉二便陽體陰用也沉牝也味苦而性利其香含藏燒乃芳烈陰體陽用也沉
香入水即沉伽楠着古便木陳讓海外逸記伽楠與沉香并生沉香質堅彫削之如
刀刮竹伽楠質軟指刻之如錐垂沙味辣有脂齒之粘牙其氣上升故老人佩之少
便溺也。藏奇楠香以錫匣貯寢蘇合鑿竅為隔則潤若枯者用白華葉直之塵土
數月即復日中少暴
尤香。以上香木

黃柏苦寒滋陰瀉火濕熱煩蒸用之均妥

苦寒微辛沉陰下降瀉膀胱相火除濕清熱療下焦虛骨蒸勞熱諸瘡痛癢。川產
肉厚色深者良生用降實火寢疾則庶不傷胃妙黑龍止崩帶酒製治上寢製治中
鹽製治下
得如母良

椿 樗 苦 溫 瀉 收 血 分 燥 濕 除 痰 痢 崩 可 定

從新曰苦燥濕寒勝熱治濕熱為病有斷下之功。張路玉云香者名椿甘平無毒
臭者為樗苦溫微毒椿根白皮性寒而能瀉血治濕熱為病濕痢濁帶精滑夢遺諸
症有燥痰之功但痢疾滯者宜之不可不辨而混用也。從新綱目皆云主用相微
椿根白皮力稍遜之樗根白皮尤良。去粗皮醋炙或蜜炙止入丸散不入湯煎。
葉苦溫煮水洗疥瘡白禿不生
髮取椿桃楸葉心搗汁頻塗之

訶 子 苦 溫 味 酸 性 瀉 斂 肺 固 腸 邪 留 莫 入

一名訶黎勒利咽喉通津液開音止渴生用清金行氣熟用溫胃固腸寇氏曰氣虛
宜後、少用蓋訶子雖瀉腸而又能泄氣也救痢初起者勿服。黑色肉厚者良去
核用之

厚 樸 苦 辛 調 中 泄 滿 化 食 消 痰 其 功 不 緩

苦辛溫入脾胃二經苦降能瀉實滿辛溫能散濕滿平胃調中治嘔逆反胃霍亂冷
痛一切客寒犯胃濕氣侵脾之症得蒼朮治濕滿得黃連治濕熱得杏仁治喘。漆
樹皮也肉厚紫潤味辛
者良去粗皮薑汁炒

杜仲甘溫補肝益腎腰膝痠疼安胎必應

甘溫微辛色紫入肝經氣分潤肝燥補肝虛子能令母
實故兼補腎所以能健筋骨。炒斷絲用或薑汁炒

蘇木甘辛能行積血產後瘀疼兼醫傷折

甘鹹辛平入三陰血分行血去瘀宣表裏之風
治產後瘀血上攻兼治撲傷無瘀滯者忌之

乾漆辛溫通經破積行血殺蟲性稱毒烈

功專行血殺蟲破年深凝結之積滯瘀血血見乾漆
即化為水其能損新血可知。炒令烟盡或燒存性

巴豆味辛大熱大毒堅積凝寒力能攻逐

通寒秘陰結治中惡痰厥喉痺不通一切急病○元素曰鬱滯雖開真陰隨損以少許着肌膚即起泡況腸胃柔薄之質能無損耶萬不得已亦須炒熟去油名巴豆霜入少許即止

秦皮苦寒能清肝熱止痢崩又療目疾

苦寒清熱是其所長味苦又能燥濕故治痢之白頭翁方用之以其性瀉故治崩帶下痢赤眼生翳洗眼皆效

川棟苦寒疝中要藥上下腹疼殺蟲治疥

一名金鈴子能導小腸膀胱之熱因引心氣相火下行止上下部腹痛通利小便川唐良剉去皮取肉去核

海桐皮苦去濕祛風宣行經絡頑痺能通

苦平入血分腰痠膝痛而非風濕者
不宜○疥癬目赤煎湯洗浴極效

合歡皮甘安養心脾令人歡樂和血為宜

一名夜合味甘平安五藏和心
志和血止痛續筋骨長肌肉

槐角苦寒專清風熱痔血腸風最為得力

入肝胆大腸經得地榆當歸防風黃芩枳殼治五種腸
風瀉血得苦參治內外痔○虛寒宜戒即虛熱亦忌

槐花味苦瀉熱涼營腸紅便血與角同功

得薺金治小便血得荊芥穗治大便血得小槐治酒
毒下血得條芩治血崩○全蕊而陳久者佳微炒

西河柳葉祛風解毒疥疹透宣其功迅速

甘鹹而平入心肺胃三經治癆
疹熱毒不能外出用為發散藥

沒石子溫性偏止瀉固氣瀉精不宜多入

一名無食子強陰助陽止遺淋除淺
痢收陰汗烏髮鬚不宜多用獨用

梭櫚苦瀉性能收脫吐衄崩中腸風下血

苦能泄熱瀉可收脫黑能止血惟去血過多滑而不止
者宜之若早服恐停瘀為害。年久敗棕良燬灰用

蕪荑辛苦燥濕祛風腹心積冷化食殺蟲

辛苦溫病疰虫症之外他用甚少脾胃虛者雖有積勿
概投。牙虫作痛以蕪荑仁安蛀乳中及縫中甚效

皂角辛溫搜風利竅子潤大腸堪醫便燥

即皂角莢入肺大腸兼入肝經性極尖利搜風泄熱吹之導之則通上下開竅而涌吐痰涎搐鼻立作噴嚏濟急頗有神效虛者勿與孕婦忌之○皂角子去皮治大腸虛秘微存性用○皂角刺搜風殺虫為外科要藥功同皂莢潰散癰疽○以上喬木

桑白皮寒水氣皆行嗽疾因熱此品堪清

甘辛而寒下氣行水張路玉云瀉肺氣之有餘止嗽而能利水肺中有水氣及肺火有餘者宜之若肺虛無火因風寒而嗽者服之風邪反閉固不散而成久嗽者有之○刮去薄皮取白或生用或蜜炙

桑枝苦平善通關節手足引經痺疼最切

乾桑枝治風寒濕痺諸痛在手足尤效以集入四肢也

桑葉微寒涼營滋燥明目去風經霜尤妙

甘苦而涼又能止血消渴止盜汗得麥冬治勞熱得丹皮能清泄少陽同黑芝蘇蜜炙名桑麻丸能潤燥

枳實味苦性專破氣消食行痰宣通便閉

微寒得白朮去痰飲得瓜蒌消痞結得皂角仁通大便陳者佳趁炒用

枳殼微寒寬腸下氣胸膈不舒方中可換

味苦東垣曰枳殼治高枳實治下皆利氣也氣利則痰喘止痞脹消食積化但實則性急壳則性緩為確耳得桔梗治虛痞○皮厚而小為枳實壳薄虛大為枳壳陳者良趁炒用亦可

梔子苦寒能清心肺火鬱三焦吐紅亦濟

瀉心肺之火熱使之屈曲下行由小便出而三焦之火鬱亦解吐衄崩淋不寐五黃皆治內熱用仁表熱用皮生用瀉火炒黑止血薑汁炒止煩嘔燒灰吹鼻止衄得滑

石治
血淋

酸棗仁 酸欬汗祛煩安神用炒止渴功推

甘酸而潤生用酸手專補肝胆妙熟酸溫而香寧心益脾一云生用療胆熱多卧好眠。肝胆有熱者忌之

山茱萸 溫瀉精益髓補腎溫肝膝腰痛愈

酸瀉微溫固精秘氣得熟地補腎虛得五味子攝精氣陳久者良去核用核能滑精故也

五茄皮 溫祛除風濕肢節煩疼強筋壯骨

辛苦而溫治筋骨拘攣虛羸筋緩。釀酒尤良王綸曰風病飲酒能生痰火惟五茄皮浸酒益人。下部無風寒濕邪而有火及肝腎虛而有熱均忌

枸杞 甘溫添精固髓明目熄風陰興陽起

甘微溫滋肝益腎生精助陽補虛勞強筋骨去風明目
士材謂平而不熱有補水制火之能使滑勿用酒潤搗

地骨皮寒解肌退熱有汗骨蒸強陰涼血

甘淡而寒降肺中伏火除肝腎
虛熱治煩熱吐血消渴效嗽

蔓荊子苦頭痛能醫拘攣濕痺淚眼咸宜

辛甘平入膀胱兼入胃經宣散上部風熱通利九竅
治頭目痛腦鳴齒痛頸面風虛之症○去膜打碎用

竹瀝甘寒大豁虛痰失音不語右癱左癱

苦甘寒清痰降火痰在經絡四肢及皮裏膜外者非此不除胎前不損子產後不害
虛治中風之口噤疾速以薑汁為使因薑汁除痰且濟其寒故每兼用○有寒濕者

勿用

竹如止嘔和胃清金上焦煩熱噎膈為能

甘而微寒開胃土之鬱清肺金之燥。刮去青皮用第二層

竹葉甘寒清心反胃止渴除煩熱邪最對

入心胃二經涼心緩脾除上焦風邪煩熱凡用竹瀝竹茹竹葉須生甫及一年者為嫩而有力也

天竺黃寒鎮肝風熱利竅豁痰功同竹瀝

甘而微寒鎮肝涼心經去風熱治大人中風不語小兒客忤驚癇為尤宜。功同竹瀝無寒滑之患而性稍和緩也。以上芭木四味

金櫻子酸瀹精祕氣便數而多服之少利

酸瀹平同芡實為丸名水陸二仙丹能治滑精。去刺核研或熬膏

蕤仁微寒清熱和肝退翳明目淚出能蠲

甘微寒消風。目病不因風熱而因於虛者勿用。取仁去皮炙水煮過研膏。

郁李仁辛甘平破血行氣潤腸津新母忽

治水腫癰急大腸氣滯閉格不通。下後令人津液虧損燥急愈甚乃治標救急之藥。津液虛者勿用。去皮尖。

女貞甘苦降火滋陰補肝明目黑髮強筋

甘苦而涼一名冬青子惟陰虛有火者宜之否則腹痛作瀉。酒蒸。張路玉云黑者為女貞紅色為冬青子。

山茶微辛能消腸風甘寒涼血諸疔却合
楮實味甘能消水腫明目軟堅補虛亦可

一名穀實味甘寒無毒治陰痿水腫益氣充肌壯筋骨助陽氣補虛勞健腰痠骨
硬水浸取沉者酒蒸○皮甘平善行水治水腫氣滿○葉甘涼祛濕熱治老少下痢

南燭苦酸子味甘平皆能益氣壯骨強筋

南燭苦酸子味甘平葉濇平主治相微又能止泄除肆固精駐顏○沈金鰲曰以南
燭子治久痢久泄輒效以治飯後臨睡亦效○一名南天燭○附天燭子浸酒去風
痺治三陰瘧蒸用陳者佳
天燭葉治風火目赤腫痛

石楠葉辛堅腎祛風皮毛筋骨此味能通

辛苦平有毒祛風通利是其所長
補腎之說未可信也矣用閩中者佳

枸橘色青其氣甚烈疝證胃疼兼能散熱

拾遺云今之吳橘山野甚多實小壳薄皮多刺而實與綱目枸橘條下刺核与葉皮
俱收而其實獨畧葉香若家抄本草有主治特補之入藥陳者良枸橘實色青氣烈

小者似枳實大者似枳壳治疰氣胃脘痛及內傷諸痛以其力能破氣散熱也
○枸橘葉辛溫治下痢膿血後重消腫解毒○刺治風虫牙痛煎汁含之

蜜蒙花甘微寒明目赤腫淚眵潤肝宜服

酒潤焙○產蜀中樹高丈餘葉冬不凋
為眼科要藥入肝經肝虛熱生最宜

紫荊皮苦行氣通瘀婦人氣痛諸毒皆除

苦平入肝經○沈金釐曰為跌撲損傷家必用之藥以其能破宿血得滯氣也又治
婦人血氣疼痛經水凝滯通小腸解諸毒物癰疽喉痺飛尸蠱毒腫下瘻蛇蝎蜈犬
毒
(以上濯木從桑白皮起內芭木四味前註明)

琥珀甘平安魂定魄行水消瘀治淋通塞

入心肝二經利小便通膀胱寧
心神磨目翳陰虛內熱者勿服

茯神補心益智療驚善忘心悸不寐安神

即茯苓抱根生者以其抱心故入心之用多去皮及中木○茯神心木名黃松節療諸筋掣偏風喝料心掣健忘沈金鑿曰肝風內煽發厥不省人事者余每重用茯神木治之無不神效蓋此症雖屬肝而內煽則必上薄於心心君不寧故致發厥厥茯神以木治木則風定心寧而厥自止矣

豬苓味淡利水通淋濕邪溺少用可如神

苦甘淡平入膀胱腎經升而能降開腠發汗利濕行水与茯苓同而泄較甚○無濕者勿服

茯苓甘淡滲濕利竅白補脾元赤通水道

白者入肺膀胱氣分補益心脾赤者入心小腸氣分利泄濕熱時珍曰白入氣赤入血○功專利水腎虛勿服

桑寄生苦筋絡能舒安胎堅腎風濕亦祛